

2528

Bosna i Hercegovina
Federacija Bosne i Hercegovine
Kanton Sarajevo
Općina Ilidža
JU „PRVA OSNOVNA ŠKOLA“




Bosnia and Herzegovina
Federation of Bosnia and Herzegovina
Canton SARAJEVO
Community ILIDZA
PI „THE FIRST ELEMENTARY SCHOOL“

Mala aleja 15. (71210) Ilidža; Tel./Fax: ++387 33 639 575; 639 574
e-mail: posili@bih.net.ba

Tel.direktora: 761 350
web:<http://www.osprvail.edu.ba>

Broj: 01-2-04-694/26
Datum: 15.06.2026. godine

SKUPŠTINA KANTONA SARAJEVO
Ul. Reisa Džemaludina Čauševića br. 1



Predmet: Odgovor na Zastupničko pitanje,
Veza Vaš dopis broj: 01-04-24273-55/26 od 28.05.2026. godine

Poštovani,

U proteklom periodu u JU „Prva osnovna škola“ Ilidža realizovan je značajan broj projekata rekonstrukcije, sanacije i opremanja školskih prostora s ciljem unapređenja uslova za odgojno-obrazovni rad, povećanja sigurnosti učenika i zaposlenika te modernizacije nastavnog procesa. Većina navedenih projekata realizovana je uz podršku Ministarstva za odgoj i obrazovanje Kantona Sarajevo.

Najznačajniji projekat realizovan u 2025. i 2026. godini jeste rekonstrukcija školskih holova u multifunkcionalni prostor sa izgradnjom školskog restorana. Ukupna vrijednost projekta iznosi približno 190.000,00 KM, a obuhvatala je građevinske radove, opremanje restorana, nabavku inventara te potpuno opremanje kuhinje svim potrebnim uređajima i elementima za pripremu i serviranje hrane.

U periodu od augusta 2024. godine realizovani su i brojni drugi projekti rekonstrukcije, sanacije i opremanja školskog prostora.

Rekonstrukcija i sanacija prostora

Sanacija poda na ulazu u školu – 4.500,00 KM

Rekonstrukcija zbornice (podovi i namještaj)

Ugradnja novih portala na ulazu u školu – 10.000,00 KM

Ugradnja i zamjena ulaznih portala škole – cca 15.000,00 KM

Krečenje stubišta, hodnika i učionica – 20.000,00 KM

Zamjena poda u učionici – 4.000,00 KM

Zamjena vrata u deset učionica – 12.000,00 KM

Rekonstrukcija i opremanje produženog boravka sa novim sanitarnim čvorovima, kuhinjom, trpezarijom, učionicom i igraonicom te nabavkom novog namještaja i opreme – cca 20.000,00 KM

Obnova fasade školskog objekta

Sigurnost i pristupačnost
Uspostavljanje info-pulta škole
Modernizacija sistema videonadzora
Ugradnja elektronskog sistema zaključavanja i kontrole pristupa školskom objektu

Vrijednost projekta unapređenja sigurnosnog sistema, info-pulta i elektronske kontrole pristupa iznosi približno 5.500,00 KM.

Nabavka opreme i digitalizacija nastave

Oprema za smart učionice (2 smart table i 30 tableta sa Mozabook Classroom licencama) – 19.000,00 KM

Potpuna zamjena zastarjele informatičke opreme u učionicama

Zamjena školskih tabli novim i savremenim nastavnim površinama

Ugradnja novih projektoru u tri učionice – cca 2.500,00 KM

Namještaj za četiri učionice, uključujući učeničke klupe, stolice, katedre, table i drugu opremu potrebnu za savremeno izvođenje nastave – cca 18.000,00 KM

Ormari sa punim vratima (6 komada) – 2.500,00 KM

Konferencijske stolice za potrebe škole (60 komada) – 3.500,00 KM

Namještaj za zbornicu i kancelariju pomoćnika direktora – 3.500,00 KM

Školske keramičke table (2 komada) – 800,00 KM

Projektor Epson sa projekcionim platnom, nosačem, ozvučenjem i kompletnom instalacijom

Table za zbornicu i izložbeni prostor (10 komada) – 1.000,00 KM

Klupe za školsko dvorište (4 komada) – 700,00 KM

Laptop računari (4 komada) – 7.000,00 KM

Novi klavir za kabinet muzičke kulture – 7.000,00 KM

Didaktički setovi za nastavu matematike – 2.500,00 KM

Nabavka nastavne opreme i didaktičkih sredstava kroz različite projekte i programe podrške

Pored navedenog, kontinuirano se ulaže u opremanje nastavnih kabineta, unapređenje digitalnih kompetencija učenika i nastavnika te modernizaciju nastavnog procesa kroz nabavku savremenih nastavnih sredstava i informaciono-komunikacione opreme.

Planirani projekti do kraja 2026. godine

Do kraja 2026. godine planirana je potpuna rekonstrukcija školskog stubišta koje se, zbog dugogodišnje upotrebe, nalazi u lošem stanju. Projekat je prvenstveno usmjeren na unapređenje sigurnosti učenika i zaposlenika, a za njegovu realizaciju planirana su sredstva u iznosu od približno 15.000,00 KM.

JU „Prva osnovna škola“ Ilidža će i u narednom periodu nastaviti aktivnosti na unapređenju infrastrukture, sigurnosti i kvaliteta odgojno-obrazovnog procesa, u skladu sa raspoloživim budžetskim sredstvima i programima podrške Ministarstva za odgoj i obrazovanje Kantona Sarajevo.

S poštovanjem,



Direktorica škole

Mirisa Suvanija, MA